



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Pauli Segneri Societatis Jesu Brevis Vitæ Historia  
cum ejusdem Concordia Quietis & Laboris in Oratione,  
Expositione in Psalmum Miserere, Considerationibus de  
Inferno, Expositione Cantici ...**

**Massei, Giuseppe**

**AUGUSTÆ Vindel. & DILINGÆ, 1707**

**VD18 12383155**

§. XXXII. Ægros multos sanat P. Paulus.

[urn:nbn:de:hbz:466:1-47773](https://nbn-resolving.de/urn/resolver.pl?urn=urn:nbn:de:hbz:466:1-47773)

paffuri erant intolerandos. At ecce cùm vix consedissent audituri, videre fuit mirandam nubeculam imo ab horizonte ascendere, quæ cùm mediam se solem inter & audiennes interposuisset, stationem eam tamdiu tenuit, quamdiu Pater dixit; perducta autem ad finem concione, confestim dissipata est, cunctis attonitis, & divinam admirantibus benignitatem, tam manifesto indicio ostendentem, quantum sibi ea clientum suorum obsequia probarentur. Neque illud minus divini favoris argumentum fuit, in conventibus tam frequentibus, & in tanta concurrentium è variis etiam gentibus, commixtione nullas unquam aut lites, aut rixas obortas esse, quibus aut cædes, aut vulnera saltem graviora sequerentur; quæ tamen mala è cœribus tam numerosis ferimè proveniunt, nec ullâ ferè industriâ evitari satis possunt.

§. XXXII.

*Ægros multos sanat P. Segnerus.*

**V**T tamen authoritatis plus, non tam laboribus, quām ipsi tam fidi Ministri personæ conciliaret Numinis supremi clementia, dignata est illi variarum ægritudinum percurandarum virtutem conferre. Penes me est ingens catalogus morborum hac ratione sanatorum, sed plerisque hic omissis, paucula tantum juvat ejus rei exempla afferre. Illustrissimus Balthasar Xaverius Cataneus, filius Principis S. Nicandri, affirmat juratus se anno 1688. in litorali Reip. Genuensis tractu periculosis anginâ laborâsse, quæ celeriter illum, à Medicis depositum, mortis fauibus admoverit. Rogatus P. Segnerus, qui commodum tum

Aposto,


Apostolicis suis laboribus ibi occupabatur, ut ad ægrum in-  
viseret, solitâ suâ humanitate eò se contulit, invenitque  
ægum tam malè affectum, ut cùm varia ex eo quæsiisset, re-  
sponsi planè nihil referret: quare in preces positis humige-  
nibus effusus collum illi S. Francisci Xaverij lipsanis signavit.  
Ita enim mos ejus ferebat, magni illius & prodigiösi Cæli-  
tis patrocinio ad obtainendas gratias uti, ut ea ratione poti-  
simum vel umbram inanis gloriolæ vitaret, quæ sanctissi-  
mis finibus, quos ubique spectabat, obreperet. Mox at-  
que Pater ædibus illis digressus est, æger melius habere cœ-  
pit, & Medici primo sequentis diei mane reversi febrim pe-  
nitus evanuisse deprehenderunt, colli tumorem ardenteum  
subsedit, ægrumque magno suo cum stupore persanatum.  
In oppido Solarolo Juvenis quispiam lumen oculorum o-  
mne amiserat: perductus is est ad P. Segnerum, qui bene  
ipsi precaretur, signaréque. Invitus admodum Pater ad  
id genus obsequii descendebat: nihilominus ut miserum,  
qui procul aliunde eò acceſſerat, solaretur, Xaverianis il-  
lum lipsanis signavit, & abiit. Aliquot abinde diebus Ju-  
venis recuperatâ videndi facultate latus se stitit, ut gratias  
Medico suo ageret: sed quia Pater obverso tergo, perinde  
acsi hominem non vidisset, abibat, tanto ille vociferaba-  
tur altius, Patrénque sequebatur & verbis & gestibus gra-  
cum pro beneficio animum testatus. Repervulgata subin-  
de plurimi adventabant simili modo & signandi, & preci-  
bus DEO commendandi. Per molesta ea res P. Paulo fuit,  
multoque deinceps rariüs potentium votis gratificabatur,  
professus, non corporum, sed animorum curandorum gra-  
tiâ se advenisse. Marcus Antonius Montagutus, celebris  
urbis Parmensis Medicus, juratus testatur, quod nunc nar-  
ratum imus. Cùm Medicum agrem urbis Finalis in Du-  
catu

catu Mutinensi, sub tempus quo Sacrae suæ Expeditioni P. Paulus Segnerus Societatis JESU operam inibi dabat, caput meum obsederat nescio quæ malignitas, permolesta illa, & diurna, ut quæ totius, & quod excedit, anni spatio morscerat, sic ut omne capitum tegumentum abiicerem. Contuli me eo rerum statu semel a prandio extra urbis moenia ad locum, in quo sacræ illæ functiones fiebant, vestitus togâ laneâ, qualem gestant, qui Sacrorum Stigmatum Sodalitati Mutinæ adscripti sunt, & caput cucullo duarum ferè horarum spatio constanter tectus. Conventu soluto ad eadem urbis Parochialem accessi, ibique mihi Pater bene precatus caput Xaverianis lipsianis tetigit, atque eo momento videbar mihi percipere auram, quæ caput perflare, & confessim liberum me sensi illa capitum gravedine, quæ nunquam etiam deinceps me infestavit. Sic ille in chirographe. D. Joannes Gandinus Medicus Quinzani editionis Brixensis juratus affirmat, evocatum se fuisse magna cum festinatione ad juvandum infantem, quem apoplectici mali vis magno impetu humi affixerat: hunc cùm & sine venarum pulsu, & anhelitus reciprocatione invenisset, censuit malo remedium nullum superesse. Adfuit interim Pater Segnerus, qui infantibene precatus, suo illum nomine alta voce compellavit: neque alio opus fuit, ut infans rediret ad se, oculos aperiret, & velut profundo è somno excitatus planè sanus esset. Joannes Baptista Serollierius Sacerdos Parmensis interpositâ Jurisiurandi fide asserit, Sorboli in Patria sua mordacem quendam humorem in crux sibi defluxisse, qui mox in igneum erysipelas protuberans ardorem & cruciatum ingentem excitârit; unde ne passum quidem unicum intra cubiculi sui angustias promovere potuerit, utut geminis fulcris niteretur. Cùm ita miserè habe-

I

ret,

ret, rogante loci Archipresbytero Patruo suo, ad eum in-  
visit P. Segnerus, Apostolicis suis laboribus ibi insudans :  
aspergit eum aquâ lustrali, excitavítque ad fiduciam in glo-  
riosis S. Francisci Xaverii meritis, cuius sacris lipsanis, quæ  
nunquam non secum deferebat, eundem attigit. Sensit  
se æger confessim omni cruciatu liberum, & ab eo momen-  
to cœpit, perrexitque deinceps incedere ac ambulare non  
minùs expeditè ac promptè, quam ante illam ægritudinem  
confueverat. Domina Julia Albana, in Oliveriam familiam  
nupta, Amita hodie regnantis Summi Pontificis, in schedia-  
smate legitimè è se obsignato hunc in sensum loquitur. Ego  
infra scripta jurata affirmo, transiuntem Pisauro Episco-  
pum Parmensem Nembrinum sequentem narrâsse eventum,  
in sua illa Dioceſi gestum, in qua P. Paulus Segnerus Socie-  
tatis JESU sacris suis Expeditionibus erat defunctus cum fa-  
ma communi illustris Sanctimoniacæ. Vir inops cùm lignum  
quoddam findere pararet, securim tanto impegit impetu,  
ut hæc retro acta crus illi suum ita vulnerârit, dissecueritque,  
ut pars una membra læsi non nisi mediâ simplici pelle pend-  
ret ab altera. Delatus cò est P. Paulus, & miseratione in-  
felicis illius motus, cui vulnus dolebat cruciabilissimè, par-  
tem illam utramque modo quo potuit meliore conjunxit,  
fasciâ alligavit, ac cruce signavit. Soluta subinde est fa-  
scia, & videor mihi certò meminisse, factum id consequen-  
ti mox die, certè paulò priùs, aut paulò post; & vulnerata  
tibia integra ac sana inventa est, osse iterum conjuncto, ac  
firmato, id quod cuncti magnum ac evidens prodi-  
gium censuerunt. Sic illa.



§. XXXIII.